

* 1793 w Budyšinje, 1826—1868, emer. † 1877 w Drježdźanach, A. O. R. I.; 16) Pětr Łahoda, 1868—81, hl. p. Lubij.; 17) Karl Aug. Kubica, * 1842 w Spaloch p. Wojerec, 1870 wokrjesny vikar w Kladsku, 1871 faraŕ we Łutach p. Zł. Komorowa, 1876—81 far. we Wjelećinje, wot 1881 tu.

Šula: Wosada ma 2 šuli: a) w Bukecach; zašul. wsy 1, 2, 4, 5, 7, 8, 10, 11, 12, 16, 17, 18, 19, 21: hrom. 14; džěći 447.

Wučerjo: I. α) Khorla Bjedrich Kyršnaŕ 1831—70, β) Arnošt Hatnik, wot 1871, * 31. dec. 1843 w Hućinje, 1864 vikar na Židowje a pomocny wučer we Wjelećinje, 1866 wučer w Hornim Wjelećinje. II. wuč. α) Jakub Šuca 1837—76, β) Jan Bohuwěr Wojnaŕ 1876—83 (†), prjedy 3. wuč. 1866—76, γ) Keŕk z Rodec wot 1883, prjedy 3. wuč. III. wuč. Serb(?). IV. pomocny wučer. Něme, dokelž njebě móžno, Serba dostać.

b) W Rachlowje: zašul. wsy: 9, 13, 14, 15, 20 a nimo toho Splósk a Khójnica (Budyst. wos.) a Brězow (Budyšsk. Mich. w.); džěći 137.

Wučer: Gusta Šuca, rodź. 26. aug. 1858 w Klukšu, 1877 vikar, 1880 wučer tu.

c) Nimo toho słušatej wsy Łusk do Kotowskeje a Čornjow do Wujezdźanskeje šule (Ketliska wos.). — Nětčiši wučerjo su wšitecy serbscy nimo jenoho (pomocneho) w Bukecach, kiž je tam wot jutrow 1885.

W šulach so z wjetša serbski řeči; džěći serbski čitać nawuknu z biblije, spěwaŕskich, katech. a Bartk. bibl. staw.

Wobydleŕstwo: Wosada je dobra serbska; hdyž tež tam a sem druhdy jedyn němcować spyta, so tola žadyn Serb přeněmčil njeje. Němcy su w poslednich 10—15 lětach wot časa swobodneho přechowanja a prawa rozšlachtowanja burskich klubow trochu přiběrali, přikhadžujey z hornich němskich tkalskich wsow. Tući pak, hdyž dlěje we wosadze wostanu, tež serbski nawuknu, přede wšěm jich džěći. We wšěch wsach, hdžež napřećiwne njepřispomnju, Serbja mjez sobu domach a wonkach serbski řeča. Džěći hakle z wjetša w šuli němski wuknu; wot staršich ludži mnozy běžnje němski so zrěčeć njemóža a někotři nimale nič němski njerozumja. W někotrych wsach so młodži hóley, wosebje hdyž su wot wojakow přišli, z němskim jazykom hordža, po času pak ze staršiskim khlěbom jim tež zaso maćeŕna řeč